



空同詩選序

長安齊王府太子舍人陳休休



吾師空同先生詩校樂府古雜律排絕句總二千一百四十九首吾友升菴楊子選焉總得一百三十六首其中或點或圈或批迄曰是足以傳矣暇以示含含曰選何嚴乎曰弗嚴猶弗選也子謂我嚴子惡弗反子選太白子美詩不嚴乎夫選也者選其精也精而後可以爲選矣然精之中又有精焉子何謂我嚴曰譖茲若言含

曷敢弗嘿嘿唯唯否何以應子於戲吾師之爲  
詩也凌企騷雅越漢魏兼李杜而時出之集之  
傳久矣敢謂選者獨傳乎曰子選二集選也傳  
而全也不傳乎精而傳傳之中又有傳也傳其  
精與傳其全也孰愈曰譖茲若言含曷敢弗嘿  
嘿唯唯否何以應子於戲三集選矣精之中精  
者也傳之中傳者也詩之道也道之極也苟學  
詩者能則於是殆濟江海者之獲舟楫矣舍舟  
楫而求濟者有之乎是以詩弗可弗選也選弗  
可弗嚴也多而不選選而不精不精而不傳弊  
也久矣含與楊子幼而同志於文與詩也故三  
集之選亦同於求精而不隨世以務多矣於戲  
選詩其嚴乎選詩其嚴乎

嘉靖癸卯仲夏望門人永昌張含撰

詩也... 嘉許... 樂其... 樂之... 世父... 醉而... 有敢...

空同詩選目錄

卷一

河之水歌

雞鳴歌

內教場歌二解

招隱山辭

擬前緩聲歌

郭公謠二首

豆娘子

榆臺行

白毛行

長歌行

禽言四首

董逃行五解

雨雪曲三解

獨漉篇五解

襄陽浣婦行

鴈門太守行

渡河篇

黃鵠篇

擬燕歌行

采菇曲二首

史烈女傳二解

艷歌行三解

汝為我楚舞

車遥遥

李廣

春日洪法寺後岡

溫太真墓

功德寺

鏡光閣

乙丑除夕

卷二

湘妃怨

朔日

贈蒼谷子

寄贈玉溪子

自從行

羈旅翁行

寶刀篇

土兵行

豆莖行

贈何舍人

上元訪杜鍊師

送大司馬劉公

秋夜徐編脩宅宴別醉歌

朝飲馬

結交行

石將軍戰場歌

玄明宮行

乾陵歌

漢江歌

吳偉松窓讀易圖歌

鍾欽禮山水障子歌

觀序上人所藏陶成畫石歌

卷三

題畫

歲暮二首

洛陽道

送友人入關

送友人之京

行歌古澤中

白霧樹

客有笑余霜髮

程生遊華山

候輓

出塞

曉行雲夢澤

九江

迴流山寺

上方寺鐘樓晚登

寄殷明府

得何子過湖南

送陳左使赴貴州

送呂先生衡聘

清明河上獨酌

九日薛樓會集

七夕野泊

丙戌十六夜月

水鵲

簡何舍人

鄱陽湖

見雲雷不雨

雨中海棠

南溪秋泛

遊上方寺晚登

卷四

為崔後渠詠竹亭

北行

發南浦贈人

和見素林公詠懷二首

夏都給勘鄴潞之戰惠見憶之作寄答

九日繁臺

再約陂泛

九日弗克赴田子要東陂遊

無事

朱遷鎮

送周判官

送王韜

望上清山汝田子要舟次石頭口

夷門十月歌

潯陽歌

京師春日漫興三首

夷門曲

新水至二首

春日豫章雜詩

明山草亭

曉出禁闈二首

東華門偶述

黃州

雙泉寺題壁

開仙寺二首

江行雜詩二首

寄徐子容

贈何舍人

寄都主事穆

送人

送人赴舉

觀素永之樂府

空同詩選目錄

終



空同詩選目錄

望上清山

夷門十月歌

京師春日漫興三首

無人賦舉

贈李生之樂城

曾侯王車馬

無人

寄俞子谷

聞何吉人

關山寺二首

武平樂府二首

空同詩選卷之一



成都楊慎批選

河之水歌

河之水歌李子為其子作也以子追不及

河之水流濺濺望父不見立河干

河水澆澆舟子搖櫓東方漸明我不得渡

鷄鳴歌

鷄鳴歌者李子去江西而作者也孤舟沂江

漢而上

東方白兮鷄鳴膠膠鼓予權兮沙之坳明星上

船桅北斗入地離離蘆中人逝而逝野

內教場歌

內教場歌者李子紀時事而作者也帝自

將練兵於內庭

雕弓豹韃騎白馬大明門前馬不下徑入內伐

鼓大同邪宣府邪將軍者許邪一解武臣不習

威柰彼四夷西內樹旗皇介夜馳鳴砲烈火

嗟嗟辛苦二解

招隱山辭

山之桂青青秋風綠葉冬不零王孫幾時歸山

空蕙草摧山之草萋萋春風花發桃源迷子

規啼竹陰日暮愁人心秋之夕螢飛山風霜

露沾人衣洞門翳寒蘿柰茲華髮何

擬前緩聲歌

萬水東流魚西上游。不虞彼有漁子置我於其  
鈎魚告漁子女曷太荼寬大福厚不見是圖漁  
乃偃僂伸鈎我脫身以游漁起揮手謝天命各  
有由此魚銜明珠來報當日漁

郭公謠

赤雲日東江水西。榛墟樹孤禽來啼語音哀切  
行且啄慘怛若訴聞者悽靜察細忖不可辯似  
呼郭公兼其妻一呼郭公兩呼婆各家栽禾栽

到田塍誰教檢取螺。公要螺炙婆言攝客攝得  
客來新婦偷食公欲罵婦婆則嗔婦頭插金行  
帶銀郭公唇乾口噪救不得哀鳴繞枝天色黑

豆娘子

豆娘子者蜻蜓之細也。輕盈側媚群游而寡  
北忌李子見之傷焉。作豆娘子  
汝何者物小而輕盈。灼灼悠悠揚朋從寡。畏緇衣  
紺裳。或翠其衿。或朱而黃。嬉戲長莪窈窕水旁

餐膏浴滋飲露吞香才不我知謀寧自臧兒童  
撲弄姬媵憐傷豆卿子卿娘子豆娘百卉隕零  
北風雨霜弱不敵威蚱蟴同戕肅肅鴻鵠雲海  
翱翔噦噦者鳳覽輝梧岡微末之虫何勞短長

榆臺行

其事在弘治乙丑年

榆臺高高風吹樹梢都搖搖臺下黃羊走黃蒿  
山頭看看日落虜巢四面吹軍中白旗身姓誰  
向前看有河河水深彼不怕死我亦人力能拔

虎尾人虎或兩存歸爲鬼雄榮爾魂

白毛行甲申元日作

元日地動生白毛發春當暖風蕭騷天時尚然  
有錯迕老夫何怪兒童曹批云好句法君不見猛虎  
失勢人寢其皮惜也豈復能咆哮我歌白毛比

之董逃

長歌行

籠中鴨望水中鴨一鳴一答汝雖有羽翼不如

我汎綠波食魚鰕奔萍拍藻入烟浦籠中之鴨

心徒苦古調警語鰕叶音何

禽言

泥滑滑車馬不得安何不停車繫馬待泥乾  
行不得哥哥東有木公西王婆南面設罾北張  
羅行不得哥哥

姑惡姑惡小姑刺齧姑不樂新婦早煮餚低聲  
奉小姑

提壺盧提壺盧盛酒背母私餉妻妻可再得母

恩罔極以童話諺語作禽言最得體六首取四冠絕今古矣

董逃行

涉江登彼西山下看城郭鬱盤城中閣殿斑爛  
嘉樹一何紛綸上有鳴鳥旦暮間關遙望我心

浩歎一解闐闐寂闐民生何艱終朝缺突無烟

胡彼來往翩翩綺衣車馬可憐二解誰家起樓

造天歌鐘舞管喧闐剥羊宰牛列筵何旦一食

萬錢倏忽日薄重淵

三解

明燈熒熒爛堂綉幃

雞舌流黃樂人調瑟未央千年萬歲奉觴豈知

老至悲傷

四解

日月逝矣不我留精銷時往霜

霰交流繁華零落山丘心懽意愛為他人收哀

哉胡不德求

五解。批云六言亦彷彿漢調但不純耳

### 雨雪曲

冬十一月阻舟徐汭朔風北來雨雪紛下禽鳥

凍寂洲村肅夜纜夫來言衣單腹餓波流洄洄

促船難駕我心悽測羽翼儻假

一解

七月燠土

今幸雨雪往者難追來春可沃我雖波阻心則

怡懌購蔬城市貸米逾澤原阪蕭條鴈鴻輯集

貧士罔懷一陽環復

二解

青青者衿涉江我求

大澤寒冥胡子能來鷺鷥難飛潭網頓集網收

魚跳閱忘寢食荒岑險艱豈我能處南紀凍肅

返北于土

三解。批云直逼漢魏洲村肅夜尤奇所謂橫空排硬語也

### 獨漉篇

獨漉獨漉棄田求屋其屋雖大其人則餓小人  
在旁譬如蠶蝎恩之雖勤莽之則螫歲歲艷陽  
桃李吐英未曾結實誰辨苦蜜錦繡圍厠過者  
掩口珠玉委途奚異塵土臨淵趣輪臨壑振綏  
人孰不聞亦孰不知綦絢之美不以爲纈身尊  
道高名爲雋傑

襄陽浣婦行

彼誰者嫗吾家浣衣新寡寒賤髮髮霜飛體無

完衣十日九饑態度則殊辯是知非嫗泣荅言  
妾襄宮女少小入宮荷主憐顧四十始出嫁爲  
民婦灌田采薪奄就貧窶舞裳綻汚形容改故  
夫死男孺藜藿靡救嫗咽復言侍襄定獻幾三  
十年王有義辭皇嘉特宣父子俱覲妃嬪如烟  
鈿篋載路龍旂飄翩御使絡繹珍車斑斑漢峴  
同清天歌播焉袞烏南還層城言言鳥春日妍  
桂官有延傑臣觴壽玉娥奉筵王既捐世變來

罔度聞見駭異古殿寂寞嫗勿更言萬類咸爾  
厥亦天道安之則已

雁門太守行

雁門太守汝何人治邦三月稱明神我有牛羊  
賊不來掠我有禾黍人不敢割昔我無衣今有  
袴著我思禮拜太守太守不見憐但聞太守身  
姓邊紫髯廣額聳兩顴太守出門四牡駉駉後  
擁皂蓋前導兩麾行者盡辟易居者不敢窺旁

問太守胡所之云訪城南皇甫規

批云純似古樂府魏晉以

下絕無僅有

渡河篇

小麥黃黃河波君柰何今渡河昔君游此思君

一見經旬累月不君一面

批云極古極雅

君今渡河乃

往何縣跋予望之淚下如霰汀有鳧兮泚有蘭

枝相亞兮居不單人生心事豈有殫君慎動靜

加君餐

批云楚語二句接比興皆盡



黃鵠篇

黃鵠游四海倦言歸故邦中路失其雌三年迺  
有雙鴛鴦毛羽縟哉工風儔鶴匹渠豈同嫵婉  
懽娛殺酒豐琴鳴瑟奏芳夜中樂極思來內忡  
忡驗新追故悲悔叢人生萬事慎勿輕易狸鼠  
之能詎逮騏驥車牽美期谷風興刺我心自知  
聿斯語誰

擬燕歌行

花稀葉艷蘼蕪芳皇皇溥原脩且將陽浮野曠  
雲飛揚風沙眯目燠氣黃禽獸阻饑狐在梁興  
言送君還故鄉牽袂欲別立徬徨延視極騁中  
自傷締交心違隔肝腸爾去孰予共杯觴蘭橈  
桂棹文荔檣逝哉汗漫凌洪洋安能假翼東南  
翔何人贈君紫玉璫又何贈之雲錦裳永言嗣  
茲無我忘批云用毛詩語真奪胎換骨也  
眾星采菇曲二首

衆星欲沒月模糊人家河上起相呼相喚  
采秋菇問渠早起緣何事此草日出化作田中  
枯采菇采菇君早歸霜寒露重濕人衣藍田白  
玉非無種不似商山好薺薇  
自於二交心實副刊朝雨去應予共林蘭  
白如玉簪香如玉田禾行人且莫行聽我采  
菇歌儂家住在黃河曲一日波濤怨殺河河來  
有魚去有麥麥下秋霜菇菜多不求河向城南  
去只願年年河不波

史烈女

史烈女者杞史氏之女也未嫁而死其夫是  
踰禮以守信破經而成仁者也李子曰史氏  
女有激俗之功焉然予聞其言矣於是乎述  
梨花如雪霜鴛鴦不成雙我心明如鏡我心清  
如水鏡明有塵時冰覆無收理古昔華山畿行  
人下馬拜春風兩蛟蝶綠草搖衣帶

批云若無  
後四句亦

宋人  
可及

艷歌行  
艷歌行  
艷歌行  
艷歌行  
艷歌行  
艷歌行  
艷歌行  
艷歌行  
艷歌行  
艷歌行

杲日出扶桑照我結綺窓綺窓不時開日光但

徘徊一解通阡對廣陌柳樹夾樓垂上有織素

女嘆息為誰思二解步出郭東門望見陌上柳

葉葉自相當枝枝自相糾三解汝為我楚舞

汝為我楚舞

汝為我楚舞吾為若楚歌黃鵠翼成將柰何黃

鵠一舉橫四海君王豈有四海羅君無四海之

羅安用此殃君美人毒君子

命車遥遥

車遥遥遥遥復邁邁望見秋塵起不見車輪轉

知在秋塵裏批云可入漢調

李廣

李廣昔未遇射獵誰見稱君主猶未識他人寧

不輕日從田間飲夜止灞上亭醉尉前呼呵小

吏亦見凌一朝剖郡符飛蓋赴北平  
凭軾覽百邑樹羽寧千城  
亭障不設燧櫪馬躍頓纓彎弓射虎歸  
淡淡黃雲生自從結髮戰舍鏑無虛鳴  
威懾五單于胡人寤寐驚孰知身運乖  
數竒竟無成壯顏逐年衰白髮忽見嬰  
寄言雄圖者俟命莫吞聲

春日洪法寺後岡

暄陽入廣墟平阡暖烟蕪稅鞅尋高禪  
陟丘眺

神都白日麗中衢青霏藹林岨碧草一何萋  
叢葩亦已敷纍纍誰氏墳嶒嶒三浮屠鑿石錮九  
泉雄構耀城隅輿臺盜綺衣苔蘚封丹樞矯首  
視天宇剡剡浮雲徂崇名古所欽多藏祗區區  
温太真墓

雙鵝識妖端一馬前休兆中原旣板蕩臣主同  
奔峭長蛇咨吞噬白日掩孤曜心違祖逖楫事  
躋扶風嘯康屯見斯人辱已存機要建侯竟誰

功江介無飛旄勲成身乃殂天逝徒心悼側惟  
盈縮理虛咎燃犀照遺墳闕清千古樹寒新廟  
來阡莽迴鬱弭節紛延眺載瞻徐墓邇益壯風

流紹

批云可  
逼三謝

功德寺

宣宗昔行幸遊戲玉泉傍立宇表巘嶮開池荷  
芰香波樓遞感沓風松奏笙簧百靈具來朝落  
日錦帆張萬乘雷霆動千岩滅流光綺繡錯展

轉翠旗香低昂法眷撞鐘鼓宮女拭御牀笙鏞  
沸兩序星斗宿岩廊至尊奉太后國事付三楊  
六軍各晏眠百官守舊章巡非瑤水遠跡豈玉  
臺荒嗚呼百年來回首一慨傷鳳騰赤霄暮龍  
歸竟茫茫山風撼網戶紫殿生夜霜退朝值休  
沐我行暫翱翔娟娟登岸林慘慘度石梁廢道  
哀湍寫松栢間成行啓鑰肅覽歷過位增悲涼  
積久灑掃缺乳鴿鳴膳堂舊時琉璃井倒樹如

人長神已佐上帝教猶托空王鈴磬颯鳴曼晨  
昏禮相將盤遊非聖理操縱在先皇至今朝廷  
上不改舊紀綱故故登崇林對對更五果氣能  
鏡光閣風撼階石紫烟生文霽垂陣直朴  
我生走紛境性意苦不適竭來鏡光遊不覺祇  
樹夕鳥藏丹閣暮蕭槭柿葉赤杳如造岩壑閔  
其寡人迹其王戴金冠天子之所客迓我蒼荀  
下坐我紅罽席落日入虛牖窈窕雲光白團團

石蓮燈照耀錦繡壁忽聞鈴磬發轉悵俗務迫  
靜躁本殊科利義各有癖伊余竟何爲奔併阻  
行役乞君摩尼珠一照幸不惜批云其王戴金冠四句杜句法

酬伊陽殷明府追憶見寄十四韻

弱齡負竒節志欲凌海岳白馬金陵來遊戲宛  
與洛出從七貴飲醉調五侯譎妍華不見售讒  
巧恩愛奪涼風卷團扇世路隨飛藿謫居宰山  
邑頗喜占名郭川嶺鬱森秀烟雲日噴薄况當

素秋霽清霜掃天末龍門既踈峻伊水復澄豁  
 啓牖眺飛泉據案望岑嶸獨撫岩中琴遙在汴  
 上作懷賢諒在茲感舊但如昨徒然佇玉鳧未  
 果偕緱鶴終期謝紛袂携手向嵩岳

批云置之  
文選亦不

能辨

乙丑除夕追往憤五百字

憶昔黉賓初皇疾輟臨仗維日白氣亘黑風復  
 排踴俄傳天柱折忽若慈母喪帝本堯舜姿末

履轉清伉斂衽接耆碩高出文景上兩宮悅孝  
 子九廟歆流鬯毅然整六師霹靂無前向犬羊  
 遁朔漠鯨鯢蟄溟漲困冲不疑壽日表空殊相  
 蜿蜿湖中龍一夕拔驚浪回首哭蒼梧魂斷湘  
 南瘴念昨下明綸臣也誠無狀誓死叫閭闔伸  
 頸甘礎益梁竇勢如灼漢廷色惆悵皇乃西園  
 游召彼侍供張從容杯酒間似讓還非讓未剖  
 青鎖封已下金雞放臣某詎足惜統體關衰王

歷數古明辟聖節疇能尚逝欲碎臣骨顛帝不  
得廷攀髯眇莫及痛哭橋山葬玉光動前星朱  
符闡靈貺主器難久虛勉起答群望金木歛爲  
崇太白晝相抗羯胡敢余侮吾徒盡乘障嗚呼  
榆臺役棄我六千壯踉蹌戰士骨躡跋將軍鞞  
二豎固輕率腐屍亦云當所恨國威辱北鄙氣  
悽愴鉦鼓疑皇情何以慰宸况悽悽建未月臨  
門遣征將紈袴作元戎京軍本浮宕翻使沿邊  
卒束手遭箠掠揭嶮雲中城誰復扼其吭胡來  
風雨聲胡去橫拍唱千村與萬落人烟莽蕩蕩  
嬰兒貫高槩志婦經衣桁狐狸叫破壘落日悄  
滄溘此輩誠鼠竊反覆亦難量騏驥駕鹽車虛  
名縛骯髒世豈乏頗牧賤或執鞭杖鎖鎖登壇  
子飽之則飛颺吁此良太枉國慨何由暢水旱  
而秋雷陰陽迭驕亢皇天雖至公視之但塊塊  
臣當歷服始謬進大夫行退朝實憤切欲吐畏



官謗武王秉黃鉞師事太公望列聖構梁棟駕

馭亦英匠先帝升遐日臨榻召三相序事有扛鼎筆力句

法雖與選殊而與少陵大抵因辭回由詞水早上下矣必傳之作也

...

...

...

...

空同詩選卷一

空同詩選卷二

湘妃怨

采蘭湘北沚寒木澧南潯淥水含瑤彩微風託

玉音雲起蒼梧夕日落洞庭陰不知篁竹苦惟

見淚斑深

朔日

朔日悲風起空除落葉平猶聞砧杵急已復剪

刀鳴一夜傳霜箭黃雲滿塞城

贈蒼谷子

玄雲翳白日積陰何漫漫風氣日以淒  
泥雨常不乾漂籜委川塗百卉良可嘆  
覽物懷伊人撫時悲涼寒憂來如亂絲  
理之焚無端為霜念逝鵠多露悲芳蘭  
所嗟聲影隔匪懼馨香殘徒把瑤華音  
長謠望林巒多露為霜俱用毛詩語妙  
多露人能用之為霜非公不能  
用也

寄贈玉溪子

松檜不棲蟬熊皮不上蟻秉性死不易  
斯足驗人理苟投信若飴義交固如水  
如水遐則思若飴背乃毀悠悠徂暑月  
眷眷念君子霍雲停復飛汾水蕩而駛  
山西迴夕陽皎如靚光美徒操孤絕弦  
嘆息竟何以

自從行

自從天傾西北頭天下之水皆東流  
若言世事無顛倒竊鈞者誅竊國侯君  
不見奸雄惡少推

肥牛董生著書番見收鴻鵠不如黃雀啁盜跖  
之徒笑孔丘我今何言君且休

羈旅翁行

自焚闕里手植檜天下斯文忽墜地錦衣使者  
日旁午青衿胄子時流涕靈風翩翩起白旒五  
月黃塵暗天際君不見河上羈旅翁時乖此老  
遭拘繼

寶刀篇

我有吳王雙寶刀龍鱗雪花爛照地奉君清宴  
可君意佩之十年不曾離黃金鞶帶白玉鈎出  
入魍魎魅愁功高見疑反遭怒此物拋擲今  
兩秋丈夫生世軼軻亦如此終日戚戚何為爾  
言真土兵行

豫章城樓饑啄烏黃狐跳跟追赤狐北風北來  
江怒湧土兵攫人人叫呼城外之民徙城內塵  
埃不見章江途花裙蠻奴逐婦女白奪釵環換

酒沽父老向前語蠻奴慎勿橫行王法誅華林  
姚源諸賊徒金帛子女山不如汝能破之惟汝  
欲犒賞有酒牛羊猪大者陞官佩綬趨蠻奴怒  
言萬里入爾都爾生我生屠我屠勁弓毒矢莫  
敢何意氣似欲無彭湖彭湖翩翩飄白旗輕舸  
蔽水陸走車黃雲捲地春草死烈火誰分瓦與  
珠寒崖日月豈盡照大邦鬼魅難久居天下有  
道四夷守此輩可使亦可虞何況土官妻妾俱

美酒大肉吹笙竽

批云只以謠諺近語入  
詩史而高古不可及

豆莖行

昨當大風吹雪過湖船無數冰打破冰驤轟  
山嶽立行人駭觀淚交墮景泰年間一丈雪父  
老見之無此禍鄱陽十日路斷截廬山百姓啼  
寒餓旌竿凍折輦鼓啞浙軍楚軍袖手坐將軍  
部兵蔽江下飛報沿江催豆莖邑官號呼手足  
皴馬騾雞犬遺眠卧前時邊達三千軍伍箇病

熱死兩箇彎弓值凍不敢發昔何猛毅今何懦  
 李郭鄴城圍不下裴度淮西手可唾從來強弱  
 不限域任人豈論小與大當衢寡婦携兒哭秋  
 禾枯槁春難播縱律徵科何自出大兒牽纒陸  
 挽馱批云以險韻括俚語與土兵行同調

贈何舍人齋詔南紀諸鎮

先皇乘龍去不返悲風慘淡吹宸極四海哭若  
 喪慈母百官狂走天為黑憶昨臨危坐御床手

擊神器歸今皇密語丁寧肺腑裂三老親聞眼  
 流血金滕立剖石室秘此事難從外人說我君  
 謙讓不可得割哀踐阼弘祖烈日月重懸萬國  
 朝雷雨赦過群方悅越南海北霹靂動蠻夷盡  
 奉王正月此時九道使臣出此時九道接得有力舍人亦  
 輟螭頭筆白馬朝騰薊北雲錦帆暮閃江沱日  
 江沱秋交多烈風洞庭雲夢俱眼空巴陵縣令  
 舍人兄兄字用韻尤妙正不接詔會弟西樓中拘今韻而合古韻矣

童年題詩在高壁六載不到紗爲籠南嶽以南  
惟峻山苦蒸毒霧何盤盤天王新令雷電掣妖  
蛇不敢啼林端五溪官長喘喙拜黔州父老垂  
淚看却瞻蒼梧雲氣黑斑竹臨江怨幽色翠華  
縹緲空冥間此時此恨誰知得君不見馬援柱  
孔明碑剝落黃蒿裏千年莓苔待君洗萬里之  
行自此始歸來何以獻天子

上元訪杜鍊師

宣皇昔時乘八風御龍游戲行煙空馬前兩兩  
侍玉女別館多在蓬萊宮朝天宮中舊時殿樓  
臺晝鎖無人見琉璃井塌青苔滿松柏森森月  
如練嗚呼往事難具陳嗚呼往事接得妙燈火如山又  
一春北斗壇西訪隱淪我師黃衫白氈巾坐我  
更致西樓賓玉杯瀲灩赤瑪瑙織罽四角銀麒  
麟酒肉山堆滿堂醉仙厨往往來八珍孝宗之  
朝五真人師也磊落當其倫自言召見親賜食

曾把丹書獻紫宸如今寂寞看春色銀魚玉帶  
無消息豈惟魚帶無消息欲語吞聲淚沾臆勸  
師對此莫酸辛世間萬事如轉輪且將芝草供  
生計聊與煙霞作主人月偏彩雲當牖生旋呼  
兩童吹玉笙聞師妙得逡巡術百壺倒盡還須  
傾古來仙子復誰在飲者翻垂千載名名垂千  
載亦區區酒闌燈昏夜復徂不見秦陵草已宿  
春生樹啼雙老鳥此時亦應群帝趨金燈翠旗

光有無只說要五指四不爾師長字亦好  
送大司馬劉公歸東山草堂歌入主官貴

東山有草堂縹緲雲嶠孤前對祝融峰下瞰巴  
陵湖明公昔時此堂居麋鹿熊豕當窓趨洞庭  
日落風浪湧倒影射堂堂欲動慘淡誰聞紫芝  
曲獨善不救蒼生哭先帝親裁五色詔老臣曾  
受三朝祿此時邊徼多戰聲曳履謁帝登承明  
謝安笑却淮淝敵魏相坐測單于兵九重移榻

數召見夾城日高未下殿英謀密語人不知左  
右微聞至尊美自從龍去不可攀公亦卧病思  
東山湘娥含笑倚竹立山鬼窈窕堂之側上書  
苦死只欲歸聖旨優容意悽惻內府盤螭縷金  
織賜出傾朝皆動色白金之鈿紅票記寶鈔生  
硬雅翎黑崇文城門水雲白是日觀者塗路塞  
城中冠蓋盡追送塵埃不見長安陌人生富貴  
豈有極男兒要在能死國不爾抽身早亦得君

不見漢二疏千載想慕傳畫圖即如草堂何處  
無祿食醜竊胡爲乎乃知我公真丈夫嗚呼乃  
知我公真丈夫

秋夜徐編脩宅宴別醉歌

徐郎三杯拂劍且莫舞聽我擊節歌今古曲長  
調悲不易竟天地熒熒月東吐燕山八月風力  
怒落葉交加映尊俎愴時感事百憂集死別生  
離同一苦身逢累朝全盛日弘治之間我親覩



朝廷無事尚恭默天下書計歸臺府五陵鞍馬  
速雷電千官氣勢如風雨却憶年年秋月時日  
與爾輩同襟期如澠之酒差快意袒跣呼號百  
不思絃張柱促衣冠禍綜覈崩奔學士疲倉皇  
世事難開口物極則還理宜有羸疾已分沙田  
草遭逢復折都門柳富貴在天得有命人生反  
覆如番手不見去年臨別處吞聲躑躅鶯求友  
邂逅寒暄不自知隔絕榮華爲誰守歌殘酒乾

天欲曙門外驪駒已西首哀鳴胡鴈亦南飛露  
濕群星朝北斗

朝飲馬送陳子出塞

朝飲馬夕飲馬水鹹草枯馬不食行人痛哭長  
城下城邊白骨借問誰云是今年築城者但道  
辭家別六親寧知九死無還身不惜身爲城下  
土所恨功成賞別人去年賊掠開城縣黑山血  
迸單于箭萬里黃塵哭震天城門晝閉無人戰

今年下令脩築邊丁夫半死長城前城南城北  
秋草白愁雲日暮鳴胡鞭

結交行贈李沔陽

古人結交如種稷今人當路栽荆棘世間萬事  
各有極人生何必相傾仄君不見李沔陽五馬  
昨朝天天冰地裂衝寒煙三月不遇見天子歸  
途困頓心憂煎南行波濤值洶湧蛟龍失勢竈  
鼉留滯聊栖梁孝臺醉歌真據侯嬴塚却憶

當年侯未鬚識者盡道驊騮駒落筆遽掩羽獵  
作挺身直上青雲衢百戰不侯李廣辱一麾出  
守延之吁峽霾光射卞和玉月明淚迸鮫人珠  
李沔陽汝無學雲夢吞亦莫效江南哀六龍挽  
車日月輪萬里簸蕩風沙開棄君舟楫理銜轡  
有人物色騰驥材

石將軍戰場歌

清風店南逢父老告我已巳年間事店北猶存

古戰場遺鏃尚帶勤王字憶昔蒙塵實慘怛反  
復勢如風雨至紫荆關頭晝吹角殺氣軍聲滿  
幽朔胡兒飲馬彰義門烽火夜照燕山雲內有  
于尚書外有石將軍石家官軍若雷電天清野  
曠來酣戰朝廷旣失紫荆關吾民豈保清風店  
牽爺負子無處逃哭聲震天風怒號兒女床頭  
伏鼓角野人屋上看旌旄將軍此時挺戈出殺  
胡不異草與蒿追北歸來血洗刀白日不動蒼

天高萬里煙塵一劍掃父子英雄古來少天生  
李晟爲社稷周之方叔今元老單于痛哭倒馬  
關羯奴半死飛狐道處處懽聲噪鼓旗家家牛  
酒犒王師休誇漢室嫖姚將豈說唐朝郭子儀  
沉吟此事六十春此地經過淚滿巾黃雲落日  
古骨白沙礫慘淡愁行人行人來折戰場柳下  
馬坐望居庸口却憶千官迎駕初千乘萬騎下  
皇都乾坤得見中興主日月重開再造圖梟雄

不數雲臺士揚石齊名天下無嗚呼揚石今已  
無安得再生此輩西備胡

玄明宮行

冬有人自京至向我說道玄明宮土木侈麗  
此乃今遺臭京城東割奪面勢創截業出  
月開帡幪矯托敢與天子競立觀忍將雙  
前屹石柱雙蟠龍飛梁逶迤三彩虹寶構  
天高殿其後儼如山嶽翔天中金銀爲堂玉布

地千門萬戶森相通光景閃爍倏忽異雲煙鬼  
恠芄杳濛以東金榜祠更侈樹之松檟雙梧桐  
溟池島嶼鯉鯉躍孔雀翡翠兼羆熊那知勢極  
有消歇前日虎豹今沙虫牖扉自開衛不守人  
時遊玩搖玲瓏陞隅龍獸折其角近有盜換香  
爐銅青苔生泥獍面鎖野鴿哺子雕花櫳憶昔  
此闔握乾柄帝推赤心闔罔忠威刑霹靂縉紳  
毒自尊奴僕侯與公變更累朝意叵測培克四

海真困窮長安奪第塞巷陌心復豔此闈何蒙  
構結擬絕天下巧搜剔遂盡輸僮工神厥擇木  
內苑竭官阮選石西山空夷墳伐屋白日黑揮  
汗如雨斤成風轉身唾罵闈得知退朝督勞何  
匆匆人心嗟怨入骨髓鬼也孰復安高崇峨碑  
照耀頌何事或有送男充道童聞言愴惻黯無  
荅私痛聖祖開疆功渠干威福開者誰法典雖  
嚴柰怙終錦衣玉食已叨竊琳宮寶宇將安雄

何宮不鐫護勅碑來者但看玄明宮

乾陵歌

九重之城雙闕峙前有無字碑突兀雲霄裏相  
傳翁仲化作精黃昏下山人不行蹂人田禾食  
牛豕強弩射之妖亦死至今剝落臨道傍大者  
虎馬小者羊問此誰者陵石立山崔嵬銅鐵錮  
重泉銀海中縈迴巢也信力何由開君不見金  
棺玉匣出人世薔薇冷面飛塵埃百年枯骨且

不保婦人立身何草草

漢江歌送范子之桂陽

漢江江上鷓鴣鳴  
漢江游客無限情  
青山落日下帆影  
芳草月明聞櫂聲  
黃鶴磯頭暮雲盡  
鸚鵡洲邊春水生  
莫倚仲宣能作賦  
洞庭南接桂

陽城

批云亦古亦律

吳偉松窓讀易圖歌

仄巖泉流石無數  
素壁濛濛起烟霧  
君家屋宇

在 cities 何以堂上生  
松樹側聞江夏生氣酣  
掃毫素絕筆風雷拔地起  
意匠鑿天天爲怒  
泰山古根生眼前  
俄頃縮出徂徠山  
懸蘿掛薜藦  
黑復有草舍松之間  
牕間老人鬢髮禿  
手翻一編周易讀空山  
瑟瑟翠濤激長干  
冥冥暮花撲遠知既已死  
希夷不復作青丘  
石室杳何許恍然置我此  
溪壑翻愁一夕雷  
電入六丁追書上  
廖廓又畫石下根屈曲如老龍  
胡奴暝踏孤岩

松蓬頭赤脚露兩肘月明汲泉山礪中却憶前  
 年召畫師江夏吳生亦與之短褐垢臉見書天  
 子禮貌雖村骨格竒 帝令待詔仁智殿有時  
 半酣被召見跪翻墨汁信手塗白日慘澹風雲  
 變 至尊含笑中官羨五侯七貴爭看面請觀  
 此幅松舍圖黃金失價連城賤吳生吳生大氣  
 岸一言不合輒投硯 批云如此 天天為恐泰山  
 結方合作  
 鍾欽禮山水障子歌

鍾生始學戴文進後來頗自出機軸山林槎枒  
 波漫靡骨格雖傳氣不足此幅樹石差可意綴  
 得茅堂傍江麓連山遠勢亦可取轉折頗似蕭  
 湘曲竹嶼陂陀九疑隔蒼梧洞庭濕雲白黃陵  
 美人把瑤草天寒日暮行空澤鷓鴣雙飛鴻鴈  
 宿柵樹颭颭江水碧細看谷口花又疑武陵源  
 孤舟欲往不可得對此彷彿聞清猿亭間更著  
 四老翁衣冠各異鬚眉同紫芝山深石漠漠悵

望萬里來悲風人生有形貴自適我今胡爲塵  
埃中觀畫感事面顏紅有畫如此何必工歌徹  
目送滄洲鴻

觀序上人所藏陶成畫菊石歌

陶生畫菊石老草有筆力此石與此菊今爲序  
公得兩株徙倚石根前古石苔蘚屈連錢復有  
餘株散在地平坡雜草青烟絲回株點綴花翩  
翩含姿弄態不一足背向織穠皆可目突如大

家貴介女珠翠雖搖氣莊肅近時名手計汝和  
此生筆力方之過江東徐霖學畫石效顰差勝  
王與何亦知神品多冥契下筆巉巖拓高勢石  
磊磊兮菊漫漫清霜古路花斑斑遠意頗類東  
林山東林昔築蓮花臺彭澤攢眉不肯來歸家  
對菊獨銜杯序公叢林號白足不重蓮花畚重  
菊終然畫餅不充腹何如種向西山麓秋林寒  
芳采服食煮石煉藥亦爲得愛鷹愛馬古有之



不獨序公何太息

題畫搖筆成詩

去年得歸離江州七日遂登黃鶴樓南風捲江

浩呼洶颶轟欲翻鸚鵡洲七澤莽昧不入眼孤

舟屈曲襄河轉數月已擲檀家湖夢飛每到羊

公峴峴脚山南東道樓秦川公子醉悲秋檻邊

斑竹古猶活雲石寂寞蒼梧愁重華馭遙不可

叫白沙黑猿踈樹幽看圖彷彿曾遊處素壁青

天漢水流批云近似太白

沙暗河暮淮浦  
枯蓬飛沙原野昏律窮物極生意存向夕氣嚴  
高我門霜白月東帶夜鷗圍燈煖半淡濁酒有

空同詩選卷二



洛陽道

桃花馬金絡頭白面郎紫貂裘三月洛陽道垂  
柳蔭清溝溝水東流不記春花开花落幾迴新  
東風日暮楊花起愁殺高樓獨倚人

不文送友人入關風黃蒿下對牛羊并一臥  
南山鬱幽幽豐水白浩浩鳥啼漢城樹塵起咸  
陽道驄馬東方來長鳴翻玉蹄春風吹綠草明  
月滿關西

送友人之京

與君何處別汴州金梁橋下有古時水遙接廣  
陵潮君搖錦帆去萬里上雲霄我掇金光草方  
期白鶴招

行歌古澤

川原望不極愁思滿歸襟雲蔽長安日水流湘  
浦心頽陽滅遠樹積雪明寒岑醉起海月照行  
歌入霧林

霜人白霧樹纍纍作花

不作江南客空登河上臺夢中到孤山笛裏落  
寒梅今朝走白霧萬枝參差開紫宮散花女騎  
龍下瑤陔恍惚弄珠人玉塵生羅襪歲蕤復颯  
杳光采半明滅朝陽勿遽晞留之慰超忽

客有笑余霜髮者走筆戲之

客且盡手中觴不須笑我頭上霜客盡觴且停  
之聽我高歌霜髮詞君不見天上烏東跳西走

不相待又不見黃河水萬古滔滔向東海我身  
不是南山松又不是山上峯柰何與年少爭春  
風鬪鷄走狗傾春紅君不見昔時孔仲尼轍環  
顛賴無已時盜跖殺人如亂麻錦衣高壽顏回  
嗟聽我霜髮歌歌短情則多軒車駟馬渾等閑  
何似日銜金叵羅金叵羅青玉案何以贈客錦  
綉段頭白頭白何須嘆  
程先生遊華山歸也誇我以絕觀動我以

靈篇爰贈此章抒我夙素  
君行值杪秋飄飄登雲巔  
笑弄石蓮花俯漱玉女泉  
秦時采松女有無嬉紫煙  
雙騎兩茅龍曾逢呼子先  
夜棲何峯室遇師叩何詮  
一虎嘯海月萬壑驚風旋  
颯然毛骨換錯落神光圓  
晨興扳長蘿朗詠青霞篇  
黃河衣帶去蓬萊瞪目前  
赤日跳扶桑仙掌發紅鮮  
伊予歎茲游挂心三十年  
夢想落鴈頂携詩問青天  
林麓限層雲奮

飛悵無緣安能振衣去  
共爾追群仙

候輓

冬月初圓夕含悲候輦東  
閣門猶警蹕松栢已墮鼎  
湖弓新宮象衛悲風入龍  
旂白霧中有髯渾欲挽雲  
出塞胡蔓黃河限秦亡紫  
塞存磧沙浮落日寒霧宿  
踈墩哨馬三邊動燒荒千  
里昏將軍拜金印白

骨不曾論

曉行雲夢澤

曉行雲夢澤，雲起失湖村。  
歷歷橫江雨，冥冥遠岫昏。  
鼃鼃當馬吼，鷗鷺背人翻。  
欲擬浮湘作，吾生異楚冤。

九江

九江江九流，廬嶽負江州。  
世代催前浪，圖書羨上游。  
城孤落日映，虎去暮天幽。  
夜笛隣舟送，曲

終無限愁

迴流山寺

亭高山盡入，回首見鄱陽。  
天地開吳楚，絃歌有宋唐。  
峰雲低棟白，湖日倒碑黃。  
六月吾來此，涼風不可當。

上方寺鍾樓晚登

危閣秋登霽，寒煙晚坐重。  
長風欲動地，落日故銜峯。  
葦颭騰雙鷺，雲拖挂一龍。  
此懷吾不淺，恠

爾暮鳴鐘

寄殷明府

自枉去年扎約為嵩少行夢常飛洛水詩屢到

伊城蘿殿王喬鳥花臺子晉笙君行奮雙翮吾

此學長生

得何子過湖南消息

及遇荆門信洞庭秋已淒湘江饒苦竹幾聽鷓

鴣啼馬援留銅柱王褒祀碧雞向南衝瘴癘藥

物去曾携

送陳左使赴貴州

萬里洞庭西秋風入五溪瘴天開斧鉞山驛斷

虹蜺水出牂牁繞城臨井宿低堂間花樹紫簫

鼓闕雕題

送呂先生四川衡聘

大省文衡重名師禮聘遙閣雲寒暑旆棧月引

星輶古帝蠶叢國今人駟馬橋好將揚馬輦收

取貢清朝

大清河上寓樓獨酌

一自違京邑飄飄嘆此遊桃花是往歲竹葉轉

新愁暮雨津城樹春帆水國樓汴河堤上柳煙

色似皇州

萬里九日薛樓會集

不倦登樓目遙憐秋色重楓村疊暗浦霜日抱

孤峯楚越窓中地江山戰後容倚闌渾不語吾

欲採芙蓉

七夕宜城野泊逢立秋

漢江天上水牛女世間宵自動鼃鼃影誰傳烏

鵲橋孤城古塞月一葉楚門潮君看西流火分

明奪斗杓

丙戌十六夜月

是夕微雲中天遂朗因憶往時京華賦詩有

清虧桂闕一分影寒落江門幾尺潮之句人



多傳誦彼吾少俊今遽老醜并前詩忘之矣  
亦以集未收載

月豈無晴夜天終有散雲微微透今夕朗朗至  
宵分鏡展池波暈珠明草露文呼兒暖餘酒酌  
罷一鴻聞

小鵲

簷際翻翻鳥將雛啾啾行攬眠真懊惱傳喜不  
分明化印何年就填河幾日平徒然盛生息祥

噪每能情

簡何舍人二十韻

黃扉通內閣左順切文華密勿君臣契尊崇禮  
數加詞頭存故事國體與宣麻奏絕銅函密封  
非墨勅斜四門欽舜闢隻日鄙唐邪乾斷人心  
協風淳主德遐萬方咸就日六合迥為家司馬  
元牛走臥龍曾兔置吹噓振羽翮變化奮泥沙  
邦計思劉宴兵謀愧左車分番春扣闥捧牘晚

歸衙影拂垂城草香携出苑花讐經違白虎投  
筆困青蛇每憶仙池鳳私慙省樹鴉拘羈那有  
適追琢異無瑕不忍醒爲醉胡由玉倚葭聖朝  
巢父耳荒里邵平瓜稔抱丘園欲私祈紀運嘉  
鳴文極燕許熙載老姬牙帝澤川歸海浮雲莫  
蔽遮

鄱陽湖十六韻

太祖心陳日樓船下此湖波濤留壯色天地見

雄圖水上開黃屋雲中下赤烏士猶詢後載戈  
已倒前徒力屈鯨鯢什聲回鴈鷺呼橫江收玉  
笥跨海定金符文軌遙通楚梯航訖至吳虎賁  
雖莫敵龍戰豈全辜血染猶丹草骨沉空白蕪  
汀洲夜寂寂霜月鬼鳴鳴殺氣鼉鼉徙腥風島  
嶼孤留人拾古鏃艇客慨秋菰偉彼高光烈還  
將蕭鄧須英雄協睿筭勇奮想長驅劍瘞神仍  
王舟焚勢與徂康山魏廟在忠武激頑夫

見雲雷垂垂不雨悵然有作  
大梁城東雲出雷掣風拖雨故徘徊黃鸝坐樹  
深無雨紫燕銜泥徂未迴即恐孝娥爲旱塚不  
聞神女傍陽臺火雲西日垂垂暮屋隙愁看返  
照來  
雨中海棠  
憐花常欲報花安醉眼冥冥雨自看朶朶胭脂  
深更濕杯杯竹葉滿須乾等閒細片休輕落率  
爾春風且恁寒朝爲行雲暮仍雨凌波獨立汝  
應難

南溪秋泛

乍見鷓鴣立約磯還驚翡翠掠波飛汀葭晚宿  
濛濛霧野竹晴含宛宛暉謝傅未忘舟楫興楚  
臣空戀芰荷衣蒼茫水落雲泥靜悵望林翁却  
自歸

遊上方寺晚登鐘樓

東北叢林冠此都地分清寂聚僧徒青天寶塔  
還今古赤日珠光乍有無草徑鷺乾時獨立松  
林鶴並晚相呼登樓更見河流急嘆世因悲馬  
負圖

空同詩選卷三

空同詩選卷四  
為崔後渠詠某竹亭

崔家孤亭萬竹裏繞牕栗栗青琅玕結實當春  
鳳不餒託根有地龍且蟠霜風飄蕭起空谷美  
人翠袖生暮寒彼淇盈盈一水隔望而不見徒  
自嘆

北行家兄與內弟玉實間行遠緩急即如  
雷霆之下魂魄並褫矧又加饑渴

吾兄淚眼若懸河內弟尪羸苦更多昏黑同行  
草莽裏明星獨傍邑城過荒山葛藟縈初蔓空  
屋荆花滿故柯臨路斷腸俱哽咽望歸携手向  
煙蘿

發南浦贈人

大寒冰雨何紛紛曉行日臨江吐雲得風舸舸  
故相逐異港鳧鷗還自群浦南蓼洲春欲動岍  
西雪山晴未分與君接席向杳霄吟坐傳杯侵

暮曛

和見素林公詠懷

青天萬仞削芙蓉憶踏匡廬第一峰哀壑暮雲  
埋虎豹大江春浪變魚龍天池御筆親留碣石  
室山僧獨扣鐘搔首昔曾霄漢上舊題應被紫  
苔封

投簪萬里旋舟日暫憇覃園傍峴西潭起漢娥  
留佩賦并傳玉粲倚樓題林猿浦鴈心常往楚

雨襄雲路不迷縮項一槎真欲釣幾時重訪鹿  
門樓

夏都給勘鄴潞之戰惠見憶之作寄荅

岩堯上黨接壺關杖鉞冬行歷萬山巖凍雪埋  
擒虎窟壑腥雲娟斫龍灣嶮嶮路透漁樵入蒼  
蔚林清鳥雀還爲問登高能賦者霜毫幾掃白  
雲間

春熱九日繁臺

禹廟登高人盡迴儒宮下馬盡殘杯奔陳孔甲  
元孤憤去趙虞卿且未哀高葉下風還抱石片  
雲拖雨故臨臺酒闌却憶十年事半醉呼鷹向  
此來

再約陂泛屬風雨阻

自游此陂秋每晴再約寧知風夜驚紛披已詫  
黃葦亂吞吐能禁白浪生朝來霧雨細細動時  
有鴻鴈嘈嘈鳴但問舟航今好在無愁天地無

開明

辛巳九日田子要東坡之遊雨弗克赴

衝泥杜甫吟愁雨落帽參軍醉倚風雲水無緣

雙放舸兼葭何意獨鳴鴻清沙錦纜相期地白

首黃花轉望中借問臨高把杯酒幾層湖閣坐

秋空

亦無事

無事日長春但眠水昏野暗風常顛繁葩亂蕊

眼欲盡乳燕啼鶯心自憐匣中幸猶有雙劍杖

頭柰可無百錢人生幾何忽已老激昂淚下如

流泉

朱遷鎮

水廟飛沙白日陰古墩殘樹濁河深金牌痛哭

班師地鐵馬驅馳報主心入夜松杉雙鷺宿有

時風雨一龍吟經行墨客還詞賦南北淒涼自

古今

批云此為空同七言律第一首又云古墩字亦非苟用李太白詩沙墩至梁苑二十

五亭即亦非世民李太白詩少巖至梁改二十  
此相近云此爲空同十言詩第一首又云古巖

却風送周判官登竹墨客巖隨船南北巖就自  
明鐙綠酒五花裘客舍新秋螢火流問君不飲  
真何事明日出城風葉愁

### 送玉韜

玉郎口談金虎文自稱師是紫陽君挂帆明日  
忽南去影落龍江五色雲

### 望上清山

碧山新起赤霞宮玉帶真人曉御風金檢奏回  
天一笑九霄來往鶴如虹

### 舟次石頭口

窓開面面水風微伍月江空冷照衣此艇果如  
天上坐茶煙化作彩雲飛

### 夷門十月歌

小麥青青水半陂半落不落楊柳枝回風忽送  
天南鴈恰似春江二月時



天南潯陽歌

百尺高樓橫映江。江花朶朶照成雙。風波隔浦遙相喚。腸斷南來北去艤。  
批云七言絕之佳境也

大江京師春日漫興

十日不出花盡開。城南城北錦成堆。即教閉戶從花盡。莫遣看花不醉迴。

杏花盈盈太遲姿。桃花灼灼亦不遲。從饒種露栽雲地。可奈風狂雨驟時。

東門百花紅照天。獨樹梨花更可憐。但看絃管朝朝急。不道春風不費錢。

夷門曲

南堤二月杏花紅。北堤高樓紅映空。珊瑚寶玦誰家子。繫馬門前素樹中。

新水至二首

桃花照水楊柳長。河水新添一尺強。昨夜舳舻街尾至。不是魚航是酒航。

時和驛邊河水流，康王城近舍西頭。  
青蘋滿眼汀洲裏，芳草連天無那愁。

春日豫章雜詩

每愛高樓畏獨來，非關勛力怕徘徊。  
江頭無限桃花樹，恰到來時滿眼開。

明山草亭

舊業門前五柳綠，橘黃柑數畝煙霞。  
不負閒身社稷空，餘白首看月天柱峰頭採藥，  
洞庭湖口。

扁舟薄暮歸來疑，是滄波釣叟。

晚出禁闈二首

楊柳南城道芙蓉，小苑通內使來調馬君。  
王勅

射熊

夾城雲氣夕露掌，隱金盤楊花白雪亂。  
風起滿

長安

東華門偶述

銀甕爛生光盤龍繡，袂香但知從內出不省賜。

何王獻主... 出...

黃州門外...

浩浩長江水黃州那箇邊岬迴山一轉船到堞

樓前雲氣入... 風...

雙泉寺題壁

寺僻無人行夜雨長秋草山僧出迎客落葉不

曾掃... 身...

開仙寺二首... 湖口

瀑峽生煙暝山杯坐不歸籠燈過潭水疑有玉

龍飛批云無愧太白

瀑布半天上飛響落人間莫言此潭小搖動匡

廬山

江行雜詩二首

迎送山相似舟移迷北南回看皂口日已照石

華潭

日出青蘋濕江渾路不分昨宵驅雨至知是海

南雲批云如此絕句絕妙古今世之愛空同詩者只效其七言律俗矣卑矣

華嚴寄徐子容

東省堂前樹南陽宅裏花春風如往日夜月向

誰家此詩餘皆二首

贈何舍人

朝逢康王城暮送大堤口相對無一言含悽各

分手批云絕似王維

灑刺寄都主事穆此詩不詳

江草喚愁生思君黃鳥鳴遙心將夜月同滿闔

閭城

送人

頗訝楓林赤無風葉自鳴來人與歸客同聽不

同情長春云予宿空同精正言此句似子

送人赴舉

寶劍動連星金鞍別馬鳴持將五色筆奪取錦

標名

觀素永之樂府戲裁子夜歌寄之

為問閭門柳年來青若何館娃明月夜醉擁越

兒歌

批云是樂府體醉擁字從越人今夕歌中來

升菴云予評空同詩五言絕句勝七言絕

句五言古七言古勝七言律五言律樂府

學漢魏似童謠者又絕勝世徒學其七言

律是徒學其下者耳

空同詩選卷四

終



